

守
意
龕
詩
集

守意龕詩集卷六

三韓 百齡 菊溪著

乙巳

元旦早朝恭紀

朝元待漏簫冠裳詆蕩天門曉日黃仙仗螭頭遙駐

輦侍臣雞舌近含香簷牙氣暖卿雲護殿角聲和廣樂

張蒼赤萬方登衽席侏儻九譯會梯航

是日暹邏朝鮮
西洋諸藩入貢

書搜二酉琅函富

全書四分
告成

序撫三辰寶籙長

上御極
五十年

代龍孫增

玉牒

七旬聖主握珠囊蒼筤壽紀詩千首

詔于正月初六日舉千叟宴諸臣各

獻詩一首

慶典春頒詔十行

是日頒恩詔

特

自有雨風敷

帝澤好占黍稌驗農祥道惟不息行逾健心本先憂樂
未央相悅君臣原一德遠賢堯舜況三王涓埃詎易言
圖報高厚何能妄測量歲歲枚臬陪下列好因橐管紀
龍光

簡張蔗圃孝廉

纔經十日別又是一年人作客憐孤影將詩報好春雲
停護砌暖華發桂堂新芳訊三千里家書得錦鱗
笑君似胡賈到處多淹留新年況無事詩酒相唱酬戶

外有二屨翩翩羊與求

謂九山東山兩公

芝蘭重臭味我欲從

之游

融融臘雪盡浩浩春風生
小園桃李樹樹皆向榮
步履幽賞歡顏盃獨傾
裁箋相問訊何時車入城
先生操玉尺吾弟愧樗材
結伴嬉春去如僧解夏來
聰明鞭不得混沌鑿之開
早望西堂月清暉映講臺

正月五日出城欲過蔗圃孝廉寓齊不果卻寄

探春迤邐城南去短巷橫街木柵連
煙火萬家迷杜曲
風光五日勝斜川梅花欲索人同笑
爆竹俄驚馬不前
爲憶吟髭紗帳裏幾時拈韻劈雲箋

正月六日 詔舉千叟宴恭紀

九有臚歡壽寓開熙熙民物入春臺朝天鶴髮三千叟
盡道蒙

恩賜宴來

東華翹首氣蔥蘢萬戶千門曉日紅丹鳳樓前魚貫入
一齊颺拜效呼嵩

遙遙華蓋拂雲停豹尾班聯翡翠屏一片綵霞光繞座
殿前都是老人星

玉階風軟奏仙琅化日當筵分外長領袖鸚班風度好
相臣高捧紫霞觴

火棗交梨總是珍蟠桃花映繡衣人延年不藉金莖露

詔賜黃封釀一巡

千叟各蒙賜酒一卮

豐貂文綺衍波箋黃紙書名次第宣更喜牟尼珠在手
一珠珠現佛光圓

銀牌璀璨日華凝拾級相看笑語增天上玉鳩扶更穩
一枝擎得萬年籐

萬國車書總一家欣欣人似向陽花雁臣歸去春風暖
銜得

恩光遍海涯

外藩貢使年六十以上者准入宴

林下投簪

許賦閒而今重點鳳麟班
麗眉多少田間老也近山龍
仰

聖顏

致仕官與現任者俱
預宴兵民亦在列

聖德如天久道敦涓涯無計可酬

恩耆年本是

君王賜願合耆年奉

至尊

銜書金鳳下楓宸
首胙迎祥令典循

元旦頒
恩詔

五日東風

十日雨萬民長頌太平春

鼓腹康衢樂事多
愧無金管紀鸞坡
蕪詞綴得巴人曲

聊當堯民擊壤歌

正月八日同年讌集戲作

韋杜城南尺五天春風入座做華筵幾多舊雨連新雨
共道今年勝去年匝地長廊三百步酒杯到手焉能住
興酣耳熱不知音一曲撥弦問誰顧紅氍毹映舞衣新
六幅湘裙不染塵總非宋玉牆東女可作扶風帳裏人
長安陌上花光好一折花枝添熱惱愛河千里浩無涯
自古美男能破老

儒雅洋歌爲倪人宗封翁八十雙壽

儒雅洋鑑湖旁中有先生積慶堂堂前化日舒以長堂

上老人樂而康翁是梁鴻婦孟光有子都如鸞鳳翔麟
作脯兮玉爲漿木公金母擎霞觴飲之眉壽同無疆爲
翁特進南山章

上元入直 圓明園

傳柑嘉宴錫芳辰

禁籞春歸節物新山面遠開青隱隱水心低漾碧粼粼
沾衣雲氣都成綵落地燈花總是銀香案前頭人影直
早看壺嶠湧冰輪

上元後一日夜游簡蔗圃孝廉

花放千枝火樹熏兒童聲雜暮鴉羣一年好景先看月

九陌織歌欲遏雲，卻病不辭勞步武。

俗語正月十六日出游謂之走百病。

滌愁誰與伴，沉醺知公未肯拋。書卷應有青藜照夜分。

馮青方石刻竹石爲李可園題

慧業追文人，精華久不隔。往往攝六丁，鬼神猶護惜。馮翁老畫師，縑素俱神迹。何圖二百年，妙墨如親炙。芒角連槎杈，森然見竹石。置之亭榭間，十幅勒瓊壁。一卷縹雲根，千稍暈寒碧。直與雲門山，絡影入窗隙。物本聚所好，嗜古未爲癖。那能三日留，摩娑向君壁。

廷試前一日檢點筆硯

平日與君稱密友，今朝笑我數家珍。鼠鬚潤墨抽新穎。

鶴眼含波滌舊塵着手便無藏手處
打包猶作背包人
回頭十四年前事
脂炭風簷若浹旬

鏡

明鏡復明鏡對之人人殊
舉頭見真我轉頭忘吾噫
吁嘻鏡守其常人自變心
之不同如其面

劍

劍成龍仙人背負雲相從
劍躍冶猛將懸腰光欲瀉
成龍躍冶空自奇風胡已死
知者誰脫穎愧彼囊中錐

琴

琴上無琴聲聲在絃與指
那知絃指間其聲亦後起
淵

明壁間五尺桐無成與虧乃至理

棋

勝固欣然敗亦喜此語吾得之蘇子然而不如袖手坐
勝敗何分彼與此人間事事皆楸枰一聲膈膊機心生
當局者迷局外笑請入局中亦顛倒

寒食 西苑曉行

曙鴉聲裏馬嘶驕春甸寒深路轉遙萬柳颺絲青繞郭
一川澄練綠平橋酒沾墓上草猶潤火禁村中煙已消
節序驚心拋未得趁閒遊屐欲相招

晚歸見園桃初放簡蔗圃一首

雙輪歸碾夕陽殘
跌坐將心片刻安
忽報緋桃開別墅
又移芒屨過疎欄
盈盈不語偏工笑
脈脈當風似畏寒
如此好花天付與
固應煮酒共君看

廷試後柬諸同人卽用試題班字韻

迴翔冷暑似投閒
謔陋深慙侍從班
給扎已拚紅勒帛

拈題誰解玉連環

御試題皆不知出何書

春蠶向日抽絲盡
駑馬

嘶風展步艱韞櫝
莫誇燕石貴
錯薪合待郢斤刪
那知丹詔新恩渥
特許冰銜故物還
拾筏幾番經宦海
振衣何日陟蓬山
二之中幸藏身穩
卽以下難免客訕漫
撥寒灰烘熱釜竈前
老婦慣低顏

次韻答坦園蘭岩兩太史直廬夜話見寄

舊是迴翔地驚心歲月淹情隨人面改詩藉酒盃添雪
澗冰痕薄風爐火氣炎息機惟二妙高卧下重簾

已怯文壇勇猶驚下筆聲輸贏無定局甘苦有餘情幻
影浮雲度矜飛小燕輕劇憐春岸柳眉黛畫難成

寄興

灼灼園中桃青青道傍李含情各不言意似貪結子春
風披柔枝遮莫摘花盡不與遺之種花徒憔悴矣流連
草木間悟此生理

春夜過訪東夫不值

夜火驚鄰突春燈倚講堂思君來不速排闥入何妨底
事攤書懶空聞蕢酒忙歸看題鳳字笑更覆千觴

清明日飲吳菘圃學士齋中

漠漠新煙染翠苔柳枝多傍女墻裁萬人簫鼓迎神去
九陌花鋤上冢回但覺春光奔渴驥祇餘酒伴鬥深盃
任他裘馬誇年少一笑相看百念灰

春日招同圖時泉侍讀張蔗圃孝廉崇效寺看花
歸約集禊帖字去其複得二百零四言因以暮
春感興爲題賦五古五首

品觀世宙間化字係萬類生固知其由死亦豈足異大

彭彭祖一
名大彭悼陳骸悲殤或暫寄作述況及時稽古崇幽

契

無事此靜坐曲室常慨然風流仰夫昔觴詠斯爲賢既
喻山水志也殊絲與弦躁妄因是盡快矣情每遷

向者欣盛遊和氣暢九有峻極嶺外天清湍帶亭右人

癸痛引之

酒器制字
曰人癸

俯托同羣後雖云會合期未能日

在丑

古語社
日以丑

畢集蘭若內娛目當茂陰列覽竹齊映歲永嗟至今朗
抱咸得騁倦懷終故林又遇惠長老初地曾一臨

浪跡諸少年放誕不可取

謂是日所
遇遊客

虛左晤於形聽言

牛...
卷二
視所以自信舍激隨樂哉察修己猶將次禊文短管相
錄敘

崇效寺看花疊舊韻

柳梢春訊喚倉庚慣引遊韉過鳳城修禊風光初朗暢
養花天氣乍陰晴山容入畫含雲重水意無爭疊浪平
不是尋芳招伴侶叩禪誰聽木魚聲

繞寺霞烘舊法臺萬苞穠豔倚風開果然對客年年好
悔未從君日日來香國那能參妙悟寶山今又笑空回
軟沙不子墻陰路屐齒休教損嫩苔

移茵小坐石欄斜渴肺頻澆八餅茶碗壁墨痕尋舊句

界空旂影護新花誰將採藥脩丹竈到此談經笑絳紗
我自偷閒來往熟磨驢陳跡惜年華

露葉風枝逞豔陽無情蜂蝶亦含芳不能忘味青精飯
可以消愁白墮觴暇日向嫌行樂少暮鐘何事促歸忙
相看叉手吟思拙豪氣輸他白面郎

暮春寓直簡樹堂

九十春光回未回綠陰晴晝儘徘徊提壺背我看花約

樹堂遊陶然亭余未得預點筆輸君咏絮才時耕堂賦柳絮詩本是相逢大

羅會不妨同卧亂書堆眼前歲月如奔馬運甓休教壯

志頽

樸堂學士招飲先時有詩社之約兼訂崇效寺看

花卽席戲呈一首

又約詩儔作酒儔印泥封拆試新篔八磚每件三人影

每會芝軒菘園樸堂必與

七級會攜二客游

十日前與圖時泉張蔗圃游崇效寺

不是

南禪應袖手

前遊甯上人索詩未成

若逢東野便低頭較量花事

豐臺好夢尾春須健筆收

是日遲菘圃吳學士不至戲簡一首仍用前韻

已拚升雅校羣儔底事逃觴厭酒筩謝傳詎因棋局困

盧生應向枕函游

松圃素喜奕棋且貪睡故嘲之

堂深日影窺簾角風

定禽聲換樹頭不是催租人敗意爲君詩思一齊收

雨後春郊卽事

春禽陌上鳴不休
春水堤邊清不流
桃花落盡柳花起
輕薄顛狂生客愁
昨宵好雨潤新麥
遠風泛泛交平疇
舍南舍北一色碧
望之蔚然煙光浮
我聞遠郡臘無雪
石田千里農民憂
安得一例普甘霽
同此率育歌來牟
閭閻撲地有慶色
我亦慰我逍遙游
桔槔聲裏曳芒屨
餅餌香中登酒樓

西苑道中簡蘭巖太史昆仲

軟紅塵淨濕雲流
小雨如絲喚客鳩
花片紅黏村女髻
柳枝青入酒家樓
春光欲暮頻採取
詞客逢間互唱酬

況復日長園逕好對君兄弟似羊求

登車謠

車碌碌朝復暮大道直如弦奔輪不肯住請君惜勞薪
回頭想折軸

車遙遙暮復朝狹斜不容輟覆轍誰相招願君乘下澤
勿以虛車嘲

初夏郊行

水田漠漠樹陰陰路轉村迴麥壠深不向桔槔聲裏在
怕教機事引機心

山外山連斧劈皴牧童真箇畫中身夕陽牛背歌聲起

可似當年扣角人

伐木丁丁隔磻聞野樵歸壓一肩雲回頭衆壑陰晴改
何處桃椎覓舊羣

斷港滌洞學具區灣灣野水亦歸墟阿誰閒放金鱗入
引得游人日羨魚

德樹堂侍講校射蒙 賞花翎詩以賀之

鳴弦的暈破重圓耀首榮叨異數偏儀羽翠拳風影直
高冠纓驪日華鮮果然壯畧誇三箭更覺才名重八磚
寵遇似君詞苑少一時聲價萬人傳

游于藝乃神乎技巧力相兼射則臧簪筆舊稱香案吏

欽定四庫全書
卷之二
二
彎弧今勝羽林郎從知奕葉金貂貴畢竟程材竹箭良
肄武

山莊秋侍輦佇看倚馬賦長楊

習射

新把弰弧入射堂眼前機括最難詳虎頭不是封侯相
豹尾空隨執戟郎詎有雄文掄手筆枉教壯志說蓬桑
亦知智巧非關力命中何能更挽強

清秘堂午坐

伏雨忽停腳秋炎欲逞威樹遙蟬響曳堂迥吏人稀棋
局頻招手吟壇暫息機橫牀方褥穩馳騫覺前非

五月十八日扈

蹕至避暑山莊同白西巖前輩瑞芝軒學士大東門侍

班恭紀

肄武頒秋令延薰奉豫游日長星是火

時立夏後三日

天迥月

如鈎詖蕩重門啟丁東曉箭收侍臣扶

翠輦翹首望龍旂

樹蔭虹橋直沙平

蹕路長馬聲隨豹尾人影肅鳩行露下旌旗颭風前弓

矢張小臣叨侍從侵曉結嚴裝

清河道中簡西巖芝軒兩公

近郭晴飄萬柳絲
蜺旌宛宛拂雲移
車如亂筏衝波疾
馬似驚鴻結陣馳
賴有朋儕同載筆
若逢山水便吟詩
丈夫弧矢平生志
決拾還應習射儀

宿南石槽簡唐再山

行幄依巖宿
征塵半日消
令嚴人語寂
野濶馬鳴驕
土鏗低薰草
風帘遠建標
夜燈分萬點
光閃列星搖

記里無多路
迴峯隔

帝城風驚孤枕夢
雨作對牀聲
願我嗟行役
因君感友生
高堂念游子
今夕話初程

苦熱

不是因人熱難勝暑氣煎
選陰依茂樹消渴吸清泉
雲散千廬雨風驅萬竈煙
晚涼拭筠簟捧腹得高眠

行幄聽雨同再山作

黃雀風吹雨又成
布棚倚枕對孤檠
問君可似扁舟夜
夢破篷窗點滴聲

曉行

駝峯挂殘月馬背明
疏星不識山中路
遙聞風外鈴
曙色分茆檐炊煙出一縷
喑喑乾鵲鳴前村
過微雨

懷柔縣道中

濕雲低壓縣城闌
路近奚犀接塞塵
致遠車難輕似鳥

憚勞人轉遜于薪

鑿輿小駐曇雲護

時正駐
蹕寺傍

綸綍遙頒湛露醇

詔免所過
地方租稅

黍谷謾誇鄒衍律

蹕途禾黍盡含春

過南天門

縹白縈青斧劈敝天門高聳勢嶙峋
癡雲空出圍山角
野水爭流拓澗唇縱使壯懷能叱馭
那容捷足說超輪
峭峯頂上當風立萬派松濤滌幻塵

青石梁

塞山若脩蛇遠近互伸縮
中有青石梁突出雄邊幅
何

年驅巨靈豁然劈山腹
猙獰石瞰人細逕不容轂
征輶魚貫入執輓紛相逐
搖鞭爆竹鳴揮手汗如沐
疑若登天然千鈞轉輾輾
妄者誇先驅中道忽折軸
我馬本虺隤況鑿前轍覆
銜尾徐至巔趾高戒僮僕
縱迂半日程安穩到平陸
人生會有役致遠無欲速
出險非日能仰荷天之福

兩間房行營待唐再山不至

夕陽散平地客到又黃昏
洗馬波心淨歸鴉樹頂喧
畦塍開萬幕燈火列千屯
望望深宵裏蒼茫欲斷魂

馬上口占

峯頭片片雨雲多
草軟沙平路不頗
夾道柳陰隨去馬
亂蟬聲裏一鞭過

踰黃土梁抵常山峪
候行帳不至借宿村庄中宵

雨作賦此遣懷

蜿蜒路比羊腸惡
石子庚庚挂車腳
馬嘶駝闖過嶺來
爭向前川駐行幄
採薪汲水居則那
壁合珠聯儼城郭
我行躑躅馬不前
日之夕矣投墟落
茫茫欲嘆客無家
俯仰一身難住着
停輿坐向茂林下
解脫征衫氣磅礴
抽編破悶聊自哦
掉頭不顧旁觀譁
忽訝村前白髮翁
扶筇冉冉來孤鶴
要我還家二里餘
兩板柴扉一草閣

到此方知容膝安如魚游沼燕巢幕世間多少窮途人
沐雨餐風更誰托支牀一枕豈易得天半黑雲忽又作
終宵拉雜雨點粗明日泥塗定如昨鍊石何當補滌天
曉窗霽景鳴乾鵲

古北口懷古三首

曉騎雲屯禁旅豪萬山環拱北門高沙堤風陣盤羊角
草澤泥團沒馬尻納賚已同天下軌防邊猶惜舊時勞
亡秦讖是人三戶枉築巖疆雉堞牢

縹緲蓬萊海上山侯生曾覓大還丹沙邱魂返鮑車冷
赤子膏凝雁塞寒鑿險詎誇鞭石易崇墉猶比鑄金難

迢遙百二秦關外，睥睨臨風放眼寬。

矢箠弓衣控紫騮，十年重奉

屬車游山如人面，當關立水作鄉聲。

余祖居外論

古無才空攬結裁，詩有癖獨淹留誰攜謝。眺驚人句勒

向蒼崖最上頭。

道中答張蔗圃贈行之作

馬頭濃翠接山光，迤邐搖鞭趁夕陽。官路兩番叨侍

輦，客懷三度憶還鄉。芳田雨氣沾青笠，小驛蟬聲噪綠

楊。此際若同君覓句，一壺村酒定頽唐。

至灤陽

路轉峯迴勢曲盤碧城眞作畫圖看濃陰不斷全遮屋
小雨無聲忽到鞍逆旅每過門遲熟斜堤新漲水痕寬
解裝應惹山靈笑十載重來向冷官

蔗圃寄詩索和時習射先此道意

愛君卻似琅玕竹一日不見令人俗畏君又如強秦兵
六國縮項不敢爭別來一月苦懊惱月落屋梁顏色好
新詩咄咄逼人來險韻欲壓元白倒那知我今棄毛錐
羽箭腰間日日隨吟箋到手不能答如索已遺甘炙眉
寄言願退三舍避城下之盟吁可愧詩壇他日取螯登
百篇倒篋君須記

寓齋初見月偶成

一綫綫霞作晚晴
磬鍾峯畔玉鉤橫
何人對酒憐孤影
爲爾開窗撤短檠
暑夜更添扇枕思
客程應感倚閭情
塞垣回首清光滿
星漢遙遙接

帝城

六月十五夜作

亦是尋常月偏增
獨客憐未成
千里別纔見
一回圓對
酒心逾壯
裁詩夜不眠
生憎山雨易
繞塞黑雲連

雨中晚行

野水灘灘急流雲
片片低不分
山向背微辨
路東西勁

草全披攏輕羅細綴泥卻憐驅欵段未敢惜勞蹄

曉起與芝軒學士習射

匱匣腰間羽箭長鳴鶻催散曉星光不嫌草露沾衣濕
陡覺山雲送雨涼發手君應誇入彀出頭我轉怯當場

梅酸況復兼稻懶巧力何能慰曲張

弓神名曲張

恭和

御製啟蹕幸避暑山莊卽事成詠元韻

五事休徵雨復暘含和九寓頌陳常諷時獮典乘秋肅

拂曉

龍旂映日黃農已貽牟歌率育人宜望歲致彷徨

鑿興到處疇咨切怙冒

天心敬益強

恭和

御製送原任大學士蔡新歸里之作元韻

戀

主心誠未忍歸綸扉華髮切瞻依何期

予告全終始

特許陳情到細微七字

寵頒同列感十行

存問古人稀引年自是

優者碩高蹈投簪事總非

恭和

御製出古北口疊乙未舊作韻元韻

烏桓北顧嚴關啟肆武時巡

令典貽近雲黍禾延霽景連塞脾睨豁吟思從教設險
心徒壯但覺防邊事可嗤控馭只今

聲教遠來庭車軌鎮如斯

恭和

御製至喀喇河屯疊壬寅韻元韻

山程夏鳳課農期

芝蓋高舉拂柳絲林外駝峯堆細皺煙中葦峪發華滋
星環萬幕車徒靜麥刈千村笑語嘻歲歲停
鑿敷愷澤浹旬甘雨更隨之

恭和

御製至避暑山莊卽景元韻

碧城丹沼蓬壺境避暑長欣

玉輅臨雨爲除塵滋宿潤鳥知迎

蹕奏新吟清涼

秘館松雲護璀璨

天題歲月深煙火萬家饒樂利百年生聚

聖人心

恭和

御製永祜寺瞻禮元韻

堯舜羹墻見不殊煌煌

遺範在茲乎卽今繩

武欽

文德自昔承歡仰

聖謨紺宇凝庥昭奕禩春臺錫福遍寰區

心傳遠紹精誠洽

帝曰仔肩道在吾

恭和

御製荷葉元韻

雲峯環塞湖飛流挂瀑布亭亭萬柄荷一一間新故曾
聞夏日種五沃根徐吐涵濡

太液中早見葉交錯雲衣濯礪唇翠蓋撐水腹盪漿噓
天風移陰遮釣具游魚忽舉芳澆滄似飽飮更看清露
垂珠顥不知數

幾餘暢

宸襟體物以神遇快雨報新晴遠近馳傳遠時和庶草
庶欲補闕風句

恭和

御製命於淮北截留漕米十萬石以備賑貸詩以紀事

元韻

九重悉民隱儲蓄皆先期厚生重三事惟

帝其念之春田值偶歉小民寔怨咨乃

諭司牧者賑賑無稽遲除賦問疾苦欽哉實力爲總藉

蠲正供饘粥咸有資踰淮集鴻雁鼓腹嘻龐眉

皇恩若雨露渥澤年年施

恭和

御製山西巡撫農起奏報續得透雨詩以誌慰元韻

詔下

天心格乘時布澤優雲陰連冀野雨腳注并州地已滋
千里農宜卜九秋職思唐俗儉樂歲更無愁

恭和

御製頤志堂書懷元韻

乾惕惟

一人朝夕眷民事八埏羅戶牖嘆咻無異致山館垂

宸章顧名揭深意頤象養萬民妥貼皆位置瑤窗好雨
來玉塞嘉禾萃

天心符

聖心五者已來備尙復

咨遠疆封章紛委積具言夏及秋耕獲各因地民物熙
熙然甘膏蘇困悴何以答

昇平賡颺心竊愧

恭和

御製裕親王廣祿八十生辰賜詩爲壽元韻

華祝臚歡頌

一人推

恩懿典逮堯親

彤墀錫宴歌千叟璿萼縣麻紀八旬星拱泰階文似綺

詩傳行葦化如神延年不羨淮南術

睿藻光垂奕禩春

寄清秘堂同人

鵝行小別

御園東掖

輦清塵策玉驄長日記游山色裡緩程衝頓雨聲中雕
蟲技愧金銀管貫虱機慚棘竹弓骨體不强才調拙倦
懷何以慰諸公

儵屋煙林翠作堆一枝棲向碧山隈人隨

玉輅經年到書蓬星郵隔日來下直每看圭影正避喧

猶恐巷門開懜懜飽食惟食睡幾見豪情鬥酒杯

火輪炙背汗如漿玉塞風清眺晚涼樹少山如人寡髮
灘多水似客迴腸磨驢踏處羞陳迹巢燕歸時憶舊梁
好是舉頭天不遠日邊雲影接高堂

槐廳風靜午陰圓落磣琤琤響細泉萬卷乍拋僧解話
一椀相對更成仙橫床欲夢初驚月好雨催詩又判年

客夏作玉堂聽雨詩同人皆有和章那得磨錘峯似洗如雲飛墮玉堂前

雨中飲何玉峯廣文齋中遲范叔度比部柴珠江

舍人不至

金鴉墮水白日匿碧城朶朶山鈎連黑雲如羊在天上

挾雨騰踔鳴雷鞭須臾溝澮潦水急怒濤澎湃驚晝眠

小奚扣門食指動如聞海上傳瑤箋爲言斗酒藏之久

況有黜甲同擊鮮

是日食鼈

我馬不辭泥至骭淋漓直到官

墻邊老饕據座箸齊下銀瓶倒瀉吸長川人生醉飽豈

易得二豪不至何拘牽主人對我慘不樂攢眉但說寒

無氈大羅會上一回首才名流落三十年半縮欲丐升

斗粟長官笑罵書生酸宿塵堆案弟子散破窗僵卧吟

秋蟬我聞此語長嘆息士逢知己從來難杜老詩因鄭

虔瘦賈禹冠爲王楊彈古人交誼重氣節所愧汲引無

微權曲逆當年亦貧賤如公骨相宜屯遭蓬生麻中當

自直丈夫何必求人憐以酒酌君觥累百磊塊澆散開
心顏王戎起舞唾壺缺壁間況有絲與絃天公一笑善
解意忽收屏翳明嬋娟留髡日日飲一石會須炙輮來
談天

恭和

御製清舒山館元韻

瑤齋清曠稱幽尋入夏頻舒

茂對心水暈一痕青到几雲開千幃碧含岑迴環漏永
金壺箭解阜風調玉軫琴歲歲留題

奎藻煥日星垂照世同欽

恭和

御製命截留漕米五萬石於安徽省備賑貸之用詩以

誌事元韻

江南慶屢豐箕畢協風雨春霖值偶愆春耕宜待補迺
眷鳳毫間

諭拯田家苦左饋而右粥儲糧資所取懷保召

天和秋成民力普大有連豫齊億盈樂倉庾

恭和

御製雨元韻

膚寸雲連萬壑陰塞田優渥頌甘霖

豫游人戴如天福長養恩符

望歲心翠撥松軒停鶴步煙垂柳岸約蟬吟

山莊疑眺織塵滌霽景俄欣日馭臨

恭和

御製喜晴元韻

碧羅天淨快新晴糺縵雲看捧日行下尺膏含千畝潤

建標霞絢萬山明草痕襯

輦煙猶濕荷氣熏衣暑乍輕時雨時暘調玉燭

聖心仁育洽羣生

恭和

御製秀起堂元韻

陡起虛堂萬仞遙蔚然深秀接巖椒窗前石骨撐雲瘦
畫裏峯稜點筆超百斛泉清消溽暑半天風定倚晴朝
綠疇合穎平如掌瑞稼應抒

聖念焦

恭和

御製間吟元韻

林巒佳處

宸襟愜

揮翰煙雲與目謀露點丹砂研鳳味香飄仙篆裊螭頭

靜中鼓盪元音暢句裏分明萬象收無逸底須呈

黼座

睿吟多爲兆民憂

恭和

御製河南巡撫畢沅奏報得雨詩以誌事元韻

祈福誠回

造化心嵩雲南望沛佳霖及時頓解田功瘁連郡同疏
地脈深卜歲黍與兼稷翼戴

恩民又更臣欽盈宥到處封章達擊壤遙傳

治世音

恭和

御製林下一首疊乙未韻元韻

複袖濃陰合

停輿愜靜便雲深青引睇林密綠垂肩過雨天如沐飛
流石欲穿蓬壺延

睿賞松鶴樂長年

恭和

御製游獅子園元韻

園開西北隅境異煙霞里靈峯肖狻猊細石羅玉子如
披倪瓚圖雲林護

皇邸萬載欽

璇題佛光共頂禮
乾坤披洞達勢莫大於此要惟
聖人居蘊淑乃爾能

恭和

御製宜照齋元韻

繚城山拱北巖構日停西
落澗明霞舞喧林衆鳥棲斜
曠浮幌靜晚秀拂雲低撫景

天倪豁

仙毫入品題

晚眺

眼底開生面千峯入戶奇每看雲起處多是日斜時鴉
陣落高樹溪光明短籬那能扶瘦竹野老共幽期

立秋日作

遠山當戶翠雲流老木陰多小院幽人似砌蟲聞不得
併抽吟緒入新秋

陡覺西風入戶清葛衫疊雪嫩涼生塞垣一夜蕭蕭景
早遣歸心逐雁聲

七月初二日

山莊依清曠殿

召見恭紀二首

中使傳宣啟玉扉清嚴松棟藹晨霏雲開山面遙當
座風裊爐香暗襲衣已幸

天顏瞻咫尺況蒙

溫語及寒微

恩承晝接慙非分葵藿心傾戀日暉

北扉翔步近蓬萊珥筆今看侍

輦來雨露一門沾四世

自曾祖以來
世受恩榮

山龍十載覲三回

丁酉至今凡三
次 召見

陳詩每愧裁雲手捨矢尤慙入彀才翻

荷

聖慈親策勵盟心何日答涓埃

初三日

駕出麗正門觀稼侍班次白西巖前輩韻

秘鑰重門啟觚稜燦日華黍禾關

睿慮晴雨課田家丹仗排雲出青畦放眼賒勞農傳

口勅飛騎踏清沙

七夕汪春田比部餉瓜賦謝

火雲灼肉明秋陽畏此酷吏升中堂清風招手呼不至
解煩七椀傾茶鐺故人隔巷削嘉果雙丸贈我同金箱
一瓜纍落大如斛其一外偉煩而長五色莫辨青門種
密筩似訝來燉煌金刀四剖漬水滴燥吻已回舌本強

恍如仙盤瀉玉露北斗爲我斟甘漿又如梅花和雪嚼
沁入脾腑生寒香遽然夢醒萬想滅眼前熱惱都清涼
薨薨集座蠅鳴絕唧唧入戶蟲聲長借問今夕是何夕
牽牛織女遙相望翠梭鸞杼求則得穀板爭欲耍天章
吾生進退守大拙詎以乞巧糜瓜瓢蕩惛消渴令飽食
餘瓣珍若球琳瑯榷杖拄腹芒角出留此日日澆詩腸

七夕後三日何玉峯同年過飲寓齋

委巷荆扉爲客開涼宵樺燭照深杯縱橫河漢雙星渡

合沓峯巒片月來綺語莫誇金屋貯

時玉峯有納寵之說

狂歌應

笑玉山頽醉眠不下陳蕃榻騎馬惺惺任自回

奉贈阮唐山少司寇二十韻

地望占星斗聲華耀鳳鸞昔聞人說項今喜日瞻韓麗
藻傳雞樹清標凜豸冠十年勞撲被一舉笑登壇

帝命持三典臣心守四難吏趨丹筆下亭藹白雲端得
手原無籍陳謨定不刊性偏航柳拙詩更嗜梅酸昨者
隨

雕輦連程接玉鞍馬頭風陣合駝背雨聲乾透瘦孤峯
立陰森古木攢奧區通納鉢高勢扼輿桓并助吟情健
頻驚眼界寬四圍山作堞一徑草堆欄下直追清賞拈
髭得古歡裁來都是錦脫處總如丸入室推曹植聞風

避謝安每慙題板意常切望洋歎此事能千古知音好
一彈雲臺編異日誰似鄭都官

秋夜同唐再山作

山外青山疊幾層魚鱗雲作碧波澄閒情似我兩人少
秋思因君七字增

再山有疎雨聲聲報到秋之句

屋角螢流疑避月牀

頭鼠健欲窺燈游仙夢好誰消得童子垂頭喚不磨

已訂鍾峯之游爲雨改期簡唐山司寇一首

一握峯尖兩角雲巒岷天半削神斤那能佳處常留我
如此名山合待君準擬枯藤支健步翻因霖雨息勞筋
惡詩盡遣徐疑洗勒壁重張翰墨軍

秋雨不止灤河暴漲

秋雲潑墨雨翻盆沙岸粘天潦水渾一夜西風嘶萬馬
奔騰直欲破山根

雞柵牛宮逐浪飄浪花高捲白魚跳何人更遣三千弩
也學錢江去射潮

鎮日陽侯怒未平人家隔岸水盈盈臨河欲唱公無渡
擊楫誰言我自迎

陋室何妨泥自芘

用孟德以泥水自芘語意

濃雲難喚客催開惺忪

一枕秋山下釣起江湖入夢來

得閒

虛翠交簷睇遠山柴門雖設要常關

用荆公句

午窗睡起攤

書坐一客不來心正閒

因病得閒殊不惡

用坡公句

何須僧話了浮生移牀看結蜘蛛網

辛苦絲綸未易成

游山訂日矣疊前韻奉迓唐山司寇

嶺上何人贈白雲擬攀松頂覓樵斤放懷莫更辭歡伯

司寇有不欲攜酒之意

濟勝端應問鐵君

坡公鐵拄杖詩問我鐵君無蓋否

別調

騷壇歌郢雪大書僧壁勒顏筋此行若個提風雅劇壘

公能辟萬軍

芝軒授內閣學士賦長律二十韻賀之

期門投匭報鶯遷綸閣華資拜命先人向紗籠覘姓氏
天教薇省煥奎躋講筵日近霜毫秉棘院春深玉尺懸
旋馬門庭清似水淩雲骨相健於仙早知衡品圭璋達
果見蜚聲鸞鶴騫頗牧禁中榮侍輦鄒枚座右許分箋
每驚下筆如飈舉更喜彎弧比月圓虎旅竟誇三箭勇
龍媒佇賜八騶連紅雲咫尺依晴幄白雪賡歌奉
御筵苑入長楊會賦獵地臨甌脫又鳴鞭此行拔足塵
埃外他日論心鼎鼐邊

恩重固宜籌報稱學優還望矢精研從來襲贊需儒術
況復英華屬壯年天下有人瞻斗嶽眼前何處釋冰淵

願公萬里扶遙健憶我三廳步武聯一自清芬披塵尾
卻因別調識琴絃鳩人未肯疑羊子孰句多因憶鄭虔
受以虛真無滯得持之正乃絕黃緣簪毫凤切彈冠慶
襍被今仍對榻眠敢謂贈言重金玉十年情慄託長篇

乙巳秋日扈從

山莊喜晤蘭巖宮贊遂送還都

五雲回首隔三廳上塞光移太史星忽感對牀今夜雨
一聲聲似玉堂聽

詞客前身是畫師董源皴合右丞詩夕陽村外千峯影
絕似晴窗弄筆時

蘭巖
善畫

官閒到處覺心閒底事匆匆策馬還半日留君秋正好

暫拋手板去看山

蹕路山光面面開
清塵慙奉屬車來
願公乞與生花管
也逞長楊作賦才

秋日登普陀宗乘寺用東坡游經山韻賦簡同游

諸公

馬頭涼翠來秋山
白雲浩浩爲奔川
平沙細路縹而曲
水腳一線爭縈旋
鍾峯碑兀落千丈
倒挂瘦影撐濤淵
堂哉萬象羅紺宇
直擘翠峽凌危顛
塔鈴个个作人語
須彌絕頂垂青蓮
招手天風駕兩腋
如行香篆盤蟾蜍
化人神貌瘦若腊
坐具入定成枯禪
轉輪示相不可測

一一鋪地皆金錢安能持此戒定慧日與彌勒同酣眠
忽聞梵唄聚千指撞鐘擊鼓驚飛鳶黃冠招客笑可掬
一漚甘露松風煎誰歟健者賈餘勇猶以腰腳誇輕便
金盆側景暮山紫坐看佳處心陶然眼前猿鶴舊相識
勝游回首今十年

丁酉秋會同圖時
泉宋奕巖游此

同再山飲何玉峯齋中疊鞍字韻

不道先生昔藉盤啜醜翻作酒人看陳遵暇日能投轄
賀監酣時解據鞍山入一樓雲氣濕珠跳萬瓦雨聲寒
已來上塞神仙窟清美何妨耐冷官

斜堤歸路足千盤燈火沿流十里看巷尾深泥留畫轂

峯頭好月墮吟鞍畏寒易動秋聲感隨境能教酒戶寬
來往笑余閒不得卻將杯罍累貧官

西巖前輩招同唐再山何玉峯游廣仁嶺僧舍

門限堅如鐵庭枝瘦若僧官閒無一事酒熟校三升壤
壁蛛絲綴危巖虎氣騰好山招客去拄杖最高層

山勢不能束盤旋逐馬蹄人來秋雨後水過石闌西禿
樹連行直癡雲一角低半空簷翠聳

奎藻煥天題

林密午炎隔亭虛秋籟清余香難品次人面忽逢迎山
鳥倦無語野花多莫名勞薪初偏聒耳來往役車聲

已結煙霞癖，拚教屐齒穿。對君心似洗，與我病相憐。懷

土悲王粲

謂再山

裁詩憶鄭虔

謂玉峯

下方鐘磬急歸騎，白

雲邊

夜坐同再山作

庭幹捎空雨，腳收四圍山。黑野雲流燈前，二客座無語。
窗外一蟲吟，不休揩眼書。仍翻故紙滌腸酒，更試新茗。
對牀忽感還家夢，問寢深宵憶白頭。

樹堂侍講扈從木蘭過存與桓寓舍留宿夜話時

子將返都門賦此誌別

寥落秋空旅鴈聲，塞垣遙夜對寒檠。不教我共青山住，

又看君隨

翠輦行繡虎才名金管重射雕能事角弓鳴撒圍白草
黃雲外好寄音書到

鳳城

疊前韻別圖侍讀同年

客窗曾共賦秋聲墻角何嘗棄短檠三夜夢疑排闥入
十年人記看山行

丁酉秋曾與
時泉同扈從

霜花壓帳丹楓老沙磧

粘雲牧馬鳴此際賡歌須妙手定應五字擅長城

再疊前韻留別瑞芝軒閣學

踏遍苔堦聽履聲伴君真似讀書檠聯吟待月橫牀臥

下直尋山並馬行結陣乍隨鴻渚遠薄雲徒羨鶴臯鳴
故人多是枚鄒侶共賦長楊侍幔城

謂時泉樹
堂兩公

恭和

御製山東巡撫明興奏報得雨詩以誌慰元韻

五事若雨暘九疇足徵信流沴厪偏隅顙待甘膏潤

睿慮回

天和感召機偏迅馳

諭諏民隱大吏封章進閭閻耕作情仰賴

神功運崇朝泰山雲爲霖驗膚寸所欣晚稼成頓使田
功奮青齊數郡間擊壤歌聲震欽哉守土臣旬宣彌敬

慎

恭和

御製熱元韻

造化元氣劑寒暑無偏甚恢台值夏假桐生育萬品不
須黍谷中吹律驗豐稔

皇衷握珠囊燥濕無不審卽今炎暑蒸穢喜暘人蔭水
木延清華飲冰心夙稟依

光蓬闕巖趨步當勤恁

恭和

御製招涼榭元韻

萬山拱園榭山氣生清涼
蜿蜿鶴鹿羣樂意同倡佯
延爽寄遐矚化日如年長
濃陰四圍合高樹枝遠揚
況當清籟發池面披荷裳
巖泉落百斛如聞雨聲霧

恭和

御製荷元韻

曉雨初收隔浦雷
亭亭千柄向陽開
綠雲深處香成海
一棹清風亦快哉

冒池華點露珠微
仙嶼輕塵淨若揮
自是托根天上好
萬年芝草日相依

恭和

御製題蔣廷錫敖漢蓮用圖中張照題句韻元韻

塞山千疊同魚鱗中有菡萏舒煙痕
天葩落手供藻繪
濃薰練素堆紅雲一從

天鑒識

天語此卷合共琳瑯貯畫苑徐熙擬並論寫生妙手同
刻楮詞臣題詠各誌美

帝庸作歌顏色喜香案前頭弄筆時那知

睿賞過餘子披圖對景縹緲間眼前草木皆長年錘峯
片片散霞綺十丈晴烘

太液蓮

恭和

御製煙雨樓喜晴作元韻

一樓濃翠潑新晴雨後山光萬疊生已迓

天麻膏屢渥不妨農事意何忤荷風拂檻原無暑鳥語
喧林總莫名咫尺塞湖

延賞處翻行遠郡望雲情

恭和

御製雨元韻

六月二十一日

撫辰調玉燭時雨復時晴油雲淦淦起屏翳挾風行

天心默調變育物資發生已欣澤下尺望歲心無忤晚

禾實穎粟況當秋日晶遺秉與滯穗履畝皆祥禎普天
戴

帝力額手歌豐盈

恭和

御製留京王大臣奏報晴雨時若詩以誌事元韻

箕風畢雨際

昌時人人春臺慰若斯繡珍疑膏三輔潤

翠華行慶五雲隨已看大稔胥呈瑞尙

厘偏災務博施誰解

至尊宵旰意惟康衢頌

聖情怡

恭和

御製古松書屋作歌元韻

青松踞巖椒萬派天風至何年種鱗甲相對含古意濤
聲落澗雲清涼爭以翠蓋圍書堂蒼髯老叟稱上壽如
居圓嶠鸞鶴來徜徉松乎竟欲呼與語世間草木誰似
汝歲歲

天題華袞榮較彼泰山大夫之封豈弟差累黍

恭和

御製兩江總督薩載等奏漕運事宜得以誌事元韻

流水之爲物波清源愈濬所以重河防歲修工莫吝使
之順其性蓄久勢乃迅混混支派分盈科而後進中河
昨偶淤疏導荷

清問刷沙旣已深放滔毋驟盡詎意建牖遲水弱稽挽
運

皇衷軫澤國截漕濟民困更

諭司事臣源流悉討論神功凜

睿謨煥若開鈍悶努力勤修防濟川衆所願前愆許自
滌後效各知奮安瀾滙萬流奉職陽侯順糧艘脚尾來
況復雨初趁凡此宣洩機一一稟

天訓

中秋同樹堂對月二首

掃盡秋雲轉玉盤
年時蓬閣共清寒
那知羅漢山前月
又得同君把臂看

老樹空庭落影圓
寂寥星漢漏聲殘
今年今夜月輪滿
明月明來何處看

十六日惠迪吉門送

駕後同白西巖前輩連騎過廣仁嶺二首

上塞行秋奉玉珂
峨嵋班押碧山阿
六龍馳道平如砥
一片黃雲捧日過

趁伴重尋

輦路回一鞭濃拂嶺雲開翠微深處頻回首駑馬曾隨

豹仗來

灤平縣道中

九松山下路迤邐滯輪蹄雨氣疑寒圃沙痕沒遠隄津

疑臨白馬坂似過黃泥

渡黃河經黃土梁

欲問人家宿前村日

脚低

常山峪阻雨題旅壁

岩堯復岩堯山形若伏蟒朝來叱馭升十里衆山響秋
雲撥不開苦雨阻歸鞅泥深濡馬首利石刺車輞塔然

返自岷徒作高山仰，停輿問樵豎。小店指風幌，譬彼鳥
投林。那更避榛莽，主人憫客勞。置榻掃塵埃，倉卒得所
歡。欬洽憶疇曩，子於五月間會僦居于此已無露處虞。況樂軒楹敞
連瓶倒，村沽詩興助。豪爽人世多，畏途進止難。預想夜
深簷溜停，背月疏星朗。僮僕計歸途，明日兼程往。

山行

三間房接兩間房，俱地名流水潺湲十里長。小驛車聲隨
雨住，豆花棚下野雲涼。

碌碌聲中路，又斜連程秋色入。人家村村蕎麥花如雪，
樹樹山梨葉染霞。

巴喀什營旅夜簡西巖前輩

門息雙輪日已曛回頭駑馬怯長途黃雞白酒饒風味
綠樹青山總畫圖勘破宦情君自懶結成詩癖我偏迂
淒清一片長城月陡覺霜華上鬢鬚

入古北口簡白西巖前輩

萬里城闐聳翠微芙蓉朵朵靜朝暉曾隨夜雨連車出
又倚秋風並馬歸閱盡勞人關樹老喚回殘夢塞鴻飛
時平誰識巖居好比戶沙田晝掩扉

潦水無根落遠岑蒙恬泉外碧沈沈入關氣暖蟬猶噪
過嶺沙平草更深形勢數來雙隻堠年光消得短長吟

空聞蘇轍題詩在斷碣荒煙何處尋

石匣鎮

不識盧龍塞停車古道傍遠山皆瘦透野樹半荒唐扼險城如斗眠坡石似羊秋風催瘦婦濶領製衣裳

蘭溝道中

地接神皋迥初來第一程樹猶留夏景水已作秋聲倦馬當官久歸禽向客鳴斜陽銜

鳳闕早慰望雲情

歸舍

一笑燈前滌塞塵勞生今又作歸人回頭風雨千山隔

放眼圖書四壁新無病不須驚面黑有詩差免誚官貧
對揚況復承

休命好述

綸言慰老親

買菊

壓擔秋容好枝枝帶雨涼瓦盆培客土松逕伴斜陽儼
對黃冠侶同飛白鶴觴凡葩輸晚節花事閱滄桑

秋日過崇效寺

平蕪淨寒綠城市背風沙與客攜樽酒逢僧問菊花龕
深閒卧佛樹老倦棲鴉徙倚諸天外孤吟日腳斜

秋夜

庭梢逼屋漢疏影，劃深秋誰遣。夜風急，不教孤葉留長。
檠依木榻，遠柝接城樓。危坐百端集，蒼然交暮愁。

十月十四日蒙

恩改授御史恭紀

奏名榮近玉階前，特轉華資。

寵命頒香案，昨慙依閭苑。鐵冠今忝侍臺班，高柯靈鵲
殷勤喚短巷。花驄蹀躞還。

恩重過庭，脚感切白頭親老，動歡顏。

改官後西巖前輩以詩見賀奉酬二首兼述鄙懷

珥筆頻叨雨露偏履綦常伴北扉前樛材似我將焉用

刮目逢君特見憐塞上風雲陪獵騎

今年夏與西嚴院
同扈從灤陽

院

中草木記吟牋一官耐得頭銜轉已是迴翔十四年

栢臺冷宦似條冰回首蓬山隔幾層分與故人甘寂寞
敢隨前輩說飛騰草雖欲指原無伎竽試教吹未有能
好是裁詩分諫紙夜窗點筆共挑燈

仲冬望後同王鑑溪飲夢借菴銀台齋中鑑溪扶

醉夜歸明日書來言狀且有觴政太嚴之憾詩

以解之

那得長爲無事飲鞠生相伴足銷愁狂名誰似陳驚座

雅詠原推趙倚樓，狼藉車茵殘唾滿。惺忪街鼓夢情收。

縱教酒德難成頌，猶勝調脂賦冶遊。

鑑溪近作冶遊詞故戲及之

題光溪髻學圖爲梅巖老翁壽

一幃煙巒繞座青，畫中茅屋隔溪汀。琴尊與客晨扶杖，燈火呼兒夜授經。門巷舊諳通德里，天田遙誦老人星。落袈本是神仙窟，珠樹凌霄舞鶴翎。

題姚玉溪宗伯聽濤圖小照

驚虬屈蛻何蜿蜒，根盤厚地枝摩天。眼中突兀見千尺，坐移清夢西湖邊。湖邊九里濤聲壯，南北兩峯屹相向。佳城鬱鬱排松楸，手植當年問無恙。鳴珂出入四十春。

仁風披拂清且醇棠棣已聞歌海嶠履聲重許上星辰
公之一身多建樹公之一心惟孺慕煌煌舊德同表阡
不必空文託誓墓晚節崢嶸

聖主知風霜常葆歲寒枝松陰小憇一回首猶是孤山
遊釣時展圖題句拙文藻爲仰喬柯卜壽考春暉延座
袂苓香黃髮丹顏看更好

題瑛夢禪頭陀小照

寸田尺宅靈根全谷神不死能飛騫入海茫茫不迴顧
眼前弱水迷三千尋師欲問戒定慧晨卷笑拍洪崖肩
白雲一片坐天上竹杖在手神飄然道人骨相舊相識

沙堤花木推平泉窮經少壯用儒術名場騰蹕三十年
忽然知止猛立腳一絲不掛消塵緣靜中慧業尤精妙
作畫直迄秋毫顛有時潑墨自寫照筆之所到神韻傳
鬚髮森森目炯炯依稀稀對鏡心光圓成佛詎在靈運後
結社應與香山連惟我知我一而二超乎色相爲真詮
要以此身示清淨其意豈必成枯禪卓哉出世好男子
蒲團不坐猶散仙

爲蘇文暉國博題虛谷圖

砉然仙嶠移蓬廬砉砉繞座羣峯趨千樹萬樹枝扶疎
望之谷口雲模糊伊何人兮貌清臞茅堂獨坐全跣趺

少年撰著成通儒，翻如野鶴凌天衢。詞源倒峽流江湖，
下筆奇氣驚千夫。襄陽妙墨窮形模，楹杖竹石尤清娛。
指間往往風雨俱，得其寸幅珍璠璵。

虛谷善書
兼工指畫

簪毫倘

許依

玉除聲價不數嚴，與徐胡爲奔走歲月徂。寒氊一片空
嗟吁，丈夫昂昂千里駒，負異何必羞鹽車。請看君豈山
澤徒置之邱壑，非幻輿足音蚩然一客無。此中空洞君
知吾，人間萬事逃於虛。用拙迺似愚，公愚安得置我山
之隅。煙霞把臂常相於，竹杖一枝酒一壺。與君日日拈

吟鬚

冬夜飲樹堂侍講齋中

磨驢踏處迹仍存，舊雨槐廳十載論。
憶我逢人曾說項，願君有酒便留髡。
月沉遠堞寒雲重，煙掃空堂宿火溫。
座上況逢車武子，侈談誰笑舌難捫。

冬夜獨座

簾風不動地衣垂，積雪崢嶸照夜時。
戢翼寒禽巢樹穩，穿雲涼月到窗遲。
閒評泉味支茶鼎，細鑿冰稜傍硯池。
鎮日閉門無一事，蹉跎翻悔缺新詩。

早寒

不是披星出，誰知戶外寒。
冰競人語塞，悄恍漏聲殘。
雪

岸膠車軸風枝束鳥翰扶桑朝日出炙背萬人歡

祀竈日偶成

寶鴨煙霏竈戶清雲旂縹緲夜初更一年節序惜騰過
又聽鄰家爆竹聲

註遍人間善惡緣丹書無黨亦無偏笑他枉恃黃羊媚
爭似焚香夜告天